

ԱՄԵՐԻԿԱ ՀԱՅ ԱԶԳ. ԽՈՐՀՈՒՐԴԻ

ԿԱԶՄԱԿԵՐՊՈՒԹԵԱՆՑ ՎԱՐՉՈՒԹԻՒՆՆԵՐՈՒ
ԽԱՌՆ ԺՈՂՈՎ

ՊԱՇՏՕՆԱԿԱՆ ՀԱՂՈՐԴԱԳԻՐ . ԺՈՂՈՎԻ ԴԻԻՅՆԻՆ

Մարտ 4ին, 1945, նիւ Եորքի Փենսիլվանիա Հօթելի սրահներէն միոյն մէջ զուգարուեցաւ Ռամկավար Ազատական Կուսակցութեան, Ամերիկահայ Յառաջդիմական Միութեան և Ս. Գ. Հնչակեան Կուսակցութեան Կեդրոնական վարչութիւններու խորհրդակցութիւնը: Երեք կազմակերպութեանց պատասխանատու ներկայացուցիչները, մէկտեղ եկած, քննարկեցին իրենց տարուան մը գործակցութեան արդիւնքները: Անոնք մասնաւորապէս շեշտեցին այն սքտապնդիչ երեւոյթը, որ այս երեք կազմակերպութիւնները կատարեալ համերաշխութեամբ և փոխադարձ վստահութեամբ գործած են Ազգային Խորհուրդին մէջ, իրենց շուրջ հաւսածով իսկ լսող-մաթիւ Հայրենակցականներ և մշակութային այլ կազմակերպութիւններ: Ժողովականները մաւնաւոր գոհունակութեամբ մատնանշեցին այն իրողութիւնը, որ Ազգային Խորհուրդը գործակցած է և պիտի շարունակէ գործակցել Ամերիկահայոց Առաջնորդարանի և Հ. Բ. Ը. Մ. ի հետ այն նպատակներուն շուրջ՝ որոնք ազգային ընդհանուր բնոյթ կը կրեն:

Ժողովը որոշեց ներկայ ճակատագրական և վճռական օրերուն ամէն կերպով աչալուրջ ըլլալ և առնել այն բոլոր քայլերը, որոնք անհրաժեշտ են Հայ Ժողովուրդի քաղաքական և տնտեսական շահերու սլաշտպանութեան և գաղթական Հայերու Հայկական հողին վրայ վերաբնակեցման համար:

Ժողովը որոշեց նեցուկ կենալ Խրի՛ի Խորհրդա-ժողովի որոշումներուն և Սան Ֆրանսիսքոյի Խորհրդա-ժողովին, միաժամանակ զատապարտելով Հայ Ժողովուրդի դարաւոր իշնամը և այս պատերազմին մէջ իր չէզոքութեամբ Հիթլերական Գերմանիոյ օգնող Թուրքիայի մետասաներորդ ժամուն պատերազմ հրատարակելու աքթը: Սկիզբէն մինչև վերջ կը տիրէր համերաշխութեան հիանալի ոգի: Մարտ 4ի Ժողովը ջայտուն կերպով երեւան բերաւ, որ Ռամկավար Ազատական Կուսակցութեան, Ամերիկահայ Յառաջդիմական Միութեան և Ս. Գ. Հնչակեան Կուսակցութեան ղեկավար մարմիններու միջև կը տիրէ լիակատար հաճաճայնութիւն իջ՝ նպատակի և թէ գործելակերպի քաղաքական բոլոր խնդիրներու շուրջ:

Ժողովականները ջրուեցան, յանձին Ազգային Խորհուրդի Ամերիկահայ գաղութի մէջ սակզուած միասնականութիւնը ալ աւելի խորացնելու, ծաւալելու և հիմնաւորելու վճռականութեամբ, յանուն Հայ Ժողովուրդի շահերուն, յանուն Միացեալ Ազգերու զէնքերու յաղթանակին, յանուն տեւական և արդար խաղաղութեան:

Սառն Ժողովի Դիւան. — ՊԵՏՐՈՍ Կ. ԹԷՐԶԵԱՆ Ա-տենապետ, ՕԳՍԷՆ ՍԱՐԵԱՆ Քարտուղար:

Մարտ 4, 1945, նիւ Եորք